



*Selasa, 02 Maret 2021*

**Ogen: Yakobus 5:7-8**



Erpengarapen



**C**optimisme adalah kepercayaan yang mengarah pada pencapaian, tidak ada yang bisa dilakukan tanpa harapan dan keyakinan. Kata si ibelasken Hellen Keller enda ngajuk kalak sindengkehca gelah tetap optimis ibas ndalani kegeluhenna. Optimis eme keyakinan nandangi erbage situasi subuk simehuli ntah pe erbahan senang dengen tetap mpebelin pengarapen ibas erbage kecibal geluh. Mehuli la mehuli, gagal ntah berhasil, sehat ras sakit bagepe meriah ntah latih rukur enda labo banci isilahken ibas ndalani kegeluhen enda. Tapi ibas sibage rupa tetap lit arapen maka kiniulin ras si mabai kemalemen ate pasti reh kubar kegeluhenta. Jadi nimai sie reh ula kal patah semangat, mpeturah ras mpebelin pengarapen seh kal perluna ibas geluh. Bagepe penulis kitab Jakub nuriken kerna ersura-sura ras erpengarapen. Paksa e perpulungen ipersiapkan guna tetap tutus, semangat, erpengarapen ibas ndalani kegeluhen ibas nimai paksa kerehen Tuhan mulihken. Igambarken Jakub nimai kerehen Tuhan desken sekalak perjuma si nimai paksa ras proses perturah page seh rani janah e merluken udan. Paksa nusur udah la banci itentukan seakaten sabar nimaisa. Bagepe pe kita ibas erkiniteken, ibas kerina dampar kegeluhen arus tetap kita saber ras erpengarapen, jadi kalak si optimis.

Ibas kegeluhen jabu, pendahin, usaha ras sidebanna arus kita tetap saber. Rikut situasi pandemi sigenduari enda. Langa sieteh ndigan ngadina, terlepas waktuna pepagi, mari asa ngasup gegehta sipebelin pengarapenta ibas perkuah ate Dibata si jadi gelementa, maka ngasup kita mentasi paksa paksa e alu mehuli, tetap ngandalken Tuhan. IA erdahin ibas kerina kecibal geluhtha guna kiniulin doni enda.